

方正學先生遜志齋集卷之二十四

南京探江都御史兼學士

南京翰林院學士

南京鴻臚寺卿歸安錢士完

南京禮部司務仁和羅大冠

南京學諭林院諭德餘姚孫如游訂正

後學 上虞姚履旋參閱

十九世裔孫方永祥重刊

蜀王殿前賜行厨酒膳奉謝

天門傳詔飛金符帝子發春朝帝都萬里巴江引軸轡朝離  
瞿塘莫荆巫牙旗羽扇照江湖為夷操楫龍伯扶威振海若  
驚天吳袞衣登朝玉陛趨至尊撫問情鬱舒奏還大國天語  
俞却從眉奏行坦途乘傳西來試馳驅日行三百尚未哺親  
藩留莫翦歡娛秦民擁路觀金轡口稱盛德目瞻輝共說賢  
王世所無南人荆門喜氣蘇蜀邦密邇洽崎嶇山花爛漫雲

橫糊綠樹清江如畫圖漢中小臣竟句儒尋向雲門曾曳裾  
是日來迎拜路隅按轡遙看笑且呼暮抵行宮侍直廬華燈  
照夜鋪瓊瑜從容前席講典謨玄談蟬聯如貫珠上探千古  
周八區鄙謂榮辱聖為徒更闢喜極行玉壺叩頭舉白紅生  
膚侍臣奏教恩意味大官美醜貶行厨特賜歸飲不用活上  
尊珍味甘且腴受之無功辭有辜心感玉恩厚矣乎獻諸祖  
禰頌妻孥招致朋寮洗壘觚共飲相歡同賜脯平生飲水兼  
茹蔬祇將鉛槧代耕鋤近為校教食民租戶居靜閱年歲徂  
世人視之等泥途賴逢聖主意氣爭討論聖猷師古初經綸  
萬鍾髮在梳小臣學術本疎疎志廣年荒才更迂量同溟海  
肯納汗欲致泉駁先收驚願王道德為世模靡無疲瘡血鯨  
孤南漸瀟我北羌胡陽和發生無朽枯育民興賢語不誣行

政孔明與夷吾其康國政兼事樞保釐西北左唐虞不數驚  
叢及魚鳥喜玉端拱化日舒從此感恩非一失

歌風臺

歌風臺下春水黃歌風臺上春草碧黃河之水日夜流碧草  
年年自春色漢祖當時為帝王龍泉三尺飛秋霜五年馬上  
得天下富貴樂在歸故鄉臺前老人爭拜跪拄杖麻衣見天  
子龍顏自喜還面傷一半隨龍半隨鬼翻思昔日亭長時一  
心捧檄日夜馳即今宇宙過四海一榻之外誰撐持却令猛  
士鎮寰宇安得長年在鄉里可憐創業垂統君后使乾機付  
諸呂淮陰少年韓將軍金戈鐵馬立戰勳藏身烹狗太遲道  
解衣推食何殷勤致令英雄遭婦手血濺紅裙當斬首蕭何  
下獄子房歸左右功臣皆擊肘還鄉悲唱大風歌向來老將

今無多成陽官謁親眼見不忍荆棘埋銅駝臺前老人淚如  
雨為言不獨漢高祖百來世事無不然稍稍功成恣險阻荒  
祠古廟名歌臺前人已盡令人哀感激悲歌下臺去斷碑春  
雨生莓苔

潼關

潼關將軍才且武五平七卒健於虎朝廷養汝為阿誰盜賊  
公行如不覩昨日官軍將到關西風放顛塵滿天錢囊衣篋  
繫車後歛來掣去同鷹鷂南望秦師五千里僮僕所資餘有  
幾離家漸遠親故稀向我長號淚如雨嗟嗟僮僕汝莫愁聖  
人在上治九州會看海內皆富足關不須防無盜偷

淮陰

淮陰城頭落日黃淮陰城下秋草荒西繞浦水長猶如

背水陣堂堂當時大將功無雙頗贏蹴項勇莫當丈夫何乃  
為假王至今遺恨令人傷藥母一飯千金償解衣推食那敢  
忘相君之背貴莫量刑生此語無忠良憤弗出口遭吾撞歌  
風帝子歸故鄉思得勇士守四方胡為鳥盡良弓藏

題嚴子陵

敬賢當遠色治國須齊家如何廢郭后寵此陰麗華糟糠之  
妻尚如此貧賤之交奚足倚羊裘老子早見機獨向桐江釣  
煙水

赤壁

東夏曰西武昌赤壁峭絕當中央奸雄將軍氣蓋世敗於零  
落嘶周郎得鱸魚沽美酒孰若黃州蘇子瞻謫向江湖動星  
斗憶吁戲曹公氣勢蘇子文章人物銷鏖跡荒涼惟有江

水千古萬古空流長

弔李白

君不見唐朝李白特達士其人雖亡神不死聲名流落天地間千載高風有誰似我今誦詩篇亂髮飄蕭寒若非曾中湖海關定有九曲蛟龍蟠却憶金鑾殿上見天子玉山已頽扶不起脫靴力士祇羞顏捧視楊妃勞玉指當時豪俠應一人豈愛富貴留其身歸來長安弄明月從此不復朝金闕酒家有酒頻與衣日日醉倒身忘歸詩成不管鬼神泣筆下自有煙雲飛丈夫襟懷真磊落將口談天日月滿泰山高兮高可夷滄海深兮深可涵惟有李白天才奪造化世人孰得窺其作我言李白古無雙至今宋石生輝光嗟哉石泉空豪富終當埋沒聲不揚黃金白璧不足貴但願男兒有筆如長杠

題李白觀瀑布圖

芙蓉之亂唐已亡中興幸有汾陽王孤軍定馬踏河北手扶紅日照萬方凌煙功臣世爭羨李侯先識英雄面沉香亭北對蛾眉眼中已見漁陽亂故令邊將儲虎臣爲君談笑清胡塵朝廷策勛賞第一珪組不敢繫天人西遊夜郎探月窟南浮萬里窮楚越雲山勝地有匡廬銀河掛空灑飛雪醉中信馬踏清秋白眼望天天爲愁金闕老奴汚吾足更欲坐濯清溪流英風逸氣掀宇宙千載人間甯復有夢魂飛度南斗傍笑酌廬山一卮酒雲松可巢今在無九江落照連蒼梧欲從李侯叫虞舜盡傾江水洗寰區

題李白對月飲圖

明月出高樹上懸青天中有萬頃之長江揚波泛彩清若

空江風吹人色變  
此時對月誰能寢  
千斗酒何足論  
舉杯宜就花前飲  
花前飲酒無與儔  
酒酣意氣輕  
王侯仰招行  
雲不可得  
但見月與河漢俱  
西流  
僊人伐桂樹  
玉女倚瓊樓  
顧盼暫相悅  
棄去終莫留  
昨日已浩浩  
今日復悠悠  
人生如飛光  
及時不飲空白頭  
君不見月中玉兔搗靈藥  
不能醫此萬古愁  
何如醉臥長不醒  
天地與我同虛舟  
混混六合間  
浩然何所求

徽宗花鳥圖

宣仁升遐司馬死  
宋祚當時已中否  
豈知禍亂猶未休  
更立端王作天子  
簡書四出捷星馳  
重見熙豐舊設施  
太室既崇荆國祀  
朝堂新刊黨人碑  
廷臣往往多鉅口  
四海禱祥無不有  
萬金寶藏造泚臺  
千里樓船載花柳  
君臣自誇文德修  
不

數唐漢道商周陳  
鍾考鼓按雅樂厲甲揚  
戈味遠謀宮中  
從容萬機暇  
酣飲逸遊忘  
晝夜御轡時  
過宰相家微行或飲倡樓下  
宣和殿內玉屏風  
綺席金爐處處同  
詔遣內官宣書史  
時拈象筆極形容  
神機密運回天功  
萬歲齊呼盡稱好  
玉輿裝軸錦裁題  
墨署花書朱篆寶心怡  
意適藝愈良  
自道丹青過百王  
盡將兵籍副邊將  
還信奸臣斥  
俊良契丹滅後  
金人喜猶剖玉封  
賞關啓露布初  
騰紫陌塵天橋已渡  
黃河水汴京傾鑰  
一時開雉扇  
鸞輿去不回  
圖書萬卷入沙漠  
金璧無光夫為哀  
祗今俯仰三百載  
南北興亡幾更改  
廢陵已發社無基  
尺素誰家尚收在  
吾知此畫非人為  
當有神物常呵護  
故留花鳥在人世  
要俾後來懲戒之  
古來君德在仁義  
小技雕工何足計  
不見昭陵一藝無  
偉績鴻名照天地

錢氏家山圖

錢君望鄉勞夢思陳君舊美為寫之臺端歎吸驅鬼物風靈  
捲地山川移紫雲峰高崑崙面立獅子灘聲轉山急翠竹搖風  
市塵遠青楓夾路樵歌入山脚盤迴到石門桑榆深映數家  
村百年邱壘澤未泯中古衣冠今尚存高堂老人年八十皓  
首紅顏瞳點漆柴門拄杖望兒還坐聽庭鳥心若失錢君一  
見增嗚傷此身如在淮水傍摩挲門戶欲歸去細看無路墮  
渺茫乃知陳子善戲別故假丹青憐曾臆世間萬事無不然  
畫地作餅安可食陳平亦是憶家客不特戲人兼自釋沙際  
扁舟已上檣何當共載歸故鄉

題南屏對雪圖

昔年歲莫京國還嚴州夜宿南屏山口風吹雪天欲壓夜半

大雪埋江關清晨倚樓望吳越六合雪花飄未絕恍疑江水  
駕山來萬頃銀濤湧城關山僧好事喜客留置酒開筵樓上  
頭玉堂僊人宋夫子紅顏白髮青貂裘坐談今古如指掌共  
看雲收月華上寒輝素彩相蕩摩碧海瓊臺浩蕭爽酒酣擊  
節心目開慷慨弔古思英才荒祠古柏岳王墓廢湖殘柳蘇  
公隄一時嘉會難再得僊人上天塵世窄王子何年繪此圖  
正貌南屏舊遊迹吾知玉也奇岫人新詩妙墨俱約倫偶然  
揮灑豈無意神授髣髴存天真世間今古同飛電回首人豪  
都不見空有羅山石室書夜夜虹光射霄漢

江山萬里圖

我昔奉勅辭金闕西下巴川持使節僊樓二月出龍河萬里  
春風掉晴雪只江花浩入春真種歌初過峨眉亭錦袍不見

李供奉白雲遮斷三山青煙無漲綠知何地白鳥雙雙沒淮  
樹片帆風滿疾如飛矯首驚看并流去夫孤小孤橫雪波匡  
廬五老青嵯峨九江秋色嘆奇絕半空飛瀑懸銀河推篷竟  
日閑吟倚瞬息舟移洞庭水君山如黛壓中流十二煙鬟鏡  
光裏好山遠自峨眉來瀟湘練明天際開疑峯九點落空翠  
重華孤墳安在哉武昌地轉多遺迹隔岸鳥鳴瞻赤壁烟焰  
旌旗魏武兵綸巾羽扇周郎策扶醉曾登黃鶴樓漢陽城對  
鸚鵡洲卽從鄂渚權明月泝流直上鎮荊州夷陵山勢多重  
疊楚樹蠻雲遠相接欲向夔城入錦城還於巴峽穿巫峽神  
女峰前路欲迷瞿塘灘瀨間猿啼五溪愁盡見雲嶺但見鳥  
道青天低萬里橋西着立馬足迹經遊半天下愧無草檄擬  
相如笑鄰囊金輕陸賈今年詔許臨丹邱夢中往往驚羈愁

江山誰寫八圖畫眼中歷歷如經遊岸巾一覽發長嘯滿襟  
爽氣高堂秋

題王叔明墨竹爲鄭叔度賦

吳下王蒙藝且文與趙公之外孫黃塵飄蕩今白髮典刑  
遠矣風流存華亭米芾稱善畫每觀蒙畫必歎詫謂言妙處  
逼舌人世俗相傳僧增價昔年夜到南屏山高堂素壁五月  
寒壁間舉自見修竹煙雨真漠蛟龍蟠呼童秉燭久不寐細  
看醉墨王蒙字固知蒙也好天趣畫師豈解知其意分枝綴  
葉人所知要外枝葉求神奇天機貴是不貴似此事不可傳  
諸師麟溪鄭君好奇士愛畫猶能賞其趣嗚呼世間作者非  
不多鄭君甚少可奈何

失硯嘆

吾家石硯玄玉色來自扶桑海中國邊摩日月露光精吞吐  
波濤含潤澤天生奇質爲世用海王龍伯不敢匿少時得之  
方外人四座傳翫皆歎息二十年來親翰墨北走洙泗西梁  
益錢塘會稽屢遊歷鬼神呵護同拱壁水怪山精皆辟易佐  
我爲文寫胸臆上探玄化與爲敵宣暢民彝輔皇極雲雨布  
漚飛霹靂倏忽變遷靡定迹謬致聲名驚四方招謗速侮不  
煖席其間損益兩相補硯也於余良盡職豈知萬事不可料  
昔者相親今不得儻關羣盜何大劇竊賊行人俟昏黑金錢  
雖失不足歎此硯使我深痛惜我非物有偏愛又非昧理  
苦蔽惑直傷美器不遇主有似賢才受驅迫眞卿奉使陷叛  
臣蘇武持節幽異域忠肝義膽貫天地豈忍包羞汗凶逆孔  
子春秋至謹嚴細事不肯登簡策大司寶玉二物耳特書盜

竊徽亂賊我誅鼠輩恨無力著作有心神六籍何時見汝生  
羽翼奮飛重來侍吾側不然變化爲星辰照臨下土當烜赫  
外物聚散如置奕胡爲念漢長戚戚君不見自我得之失無  
憾不如蕭公老選識

扇

寒藤陰壑懸風霜剝皮掃骨收溪光銀漢半邊秋月白瑤臺  
一幅春雲香青旗翠纛相潭竹寶刀織織破寒玉束來十二  
碧琅玕鳳骨凝香冷盈掬吁嗟造化由天功乃知製作歸良  
工膠漆投情作鸞偶卷舒懷袖生浦風清風飄飄可人意忽  
覺聲名滿天地南州溽暑恩愛多只愁涼颺入庭樹

紅酒歌

田家八月秋秣黃豚肩滿擔金襍襍西成萬室喜登場斗酒



勞慶年豐祥天台山人傳秘方釀成九醞丹霞紫檀槽頭  
秋點長絳囊醉壓甘露涼猩紅顆滴眞珠光蓼花色比桃花  
強薦新設席請客管風吹桂花滿屋香饌出肥鷄一筋肪橙  
衍蟹鱠雙螯霜不須琥珀琉璃觥不須大白力士鎗我愛眞  
率田家郎磁甌瓦盆樽木觴爛漫爲我澆吟腸新詩吐出雲  
錦章醉來興發恣豪狂高歌起舞當斜陽出門一笑爾汝忘  
大江東去煙茫茫

食羊虎肉

白額咆哮振山谷老羝見之驚且伏一朝強弱兩不存此肉  
都歸野人腹腹中惟恐相啖吞急呼美酒爲解紛酒酣一醉  
更懷古千載英雄孰與虎

藏貧行

並海饑民千百數攜鋤上山斫山土蕨根已盡斫不休力絕  
筋疲未言苦屋頭五竈無炊煙十步九卻行不前全家性命  
係朝莫弱子假息阿母眠昨因斫蕨僅盈斗今日蕨根不滿  
手但憑斫蕨保餘生再拜青山感恩厚青山青山爾勿猜明  
朝未死攜鋤來

海米行

海邊有草名海米大非蓬蒿小非薺婦女攜籃書作羣採掇  
仍於海中洗歸來滌釜燒松枝煮米爲飯充朝饑莫辭苦澁  
不下咽性命聊假須與時皇天不仁我當死况乃催科急如  
矢來牟擬作日月期欲保餘生更俟爾嗚呼棄止不復陳椎  
牛酣酒何爲人

遊峨嵋

楚客求丹梯，派流三峽踰五溪。浙僧訪佛祖，一錫凌空向西  
上江左。儒生尋謫仙，相逢共上峨眉巔。峨眉山高氣磅礴，萬  
象運開青插天。天高地遠望無極，海東日出扶桑赤。氣衝衲  
衣舉光搖，角巾明眼底。汪洋巨鼇動，耳邊鬚髯天。鷄鳴龍宮  
對月窟，曾聞謫仙遊。霞光疑不散，履迹今尚留。千崖崩摧勢  
欲墮，羽流縹緲參差坐。七寶巖留供佛燈，萬松竈起燒丹風。  
霆蕩滴雲樹，模糊虎豹接。跡猿狖，闐呼星漢當頭手。可摘靈  
芝甘露無時無，雲漏日兮光一線。金蓮白象紛紛而來見，  
雲籟動兮天樂和。仙之人兮夜經過，忽神驚而目眩。豈事幻  
而說，頗覩謫仙而無有。查鳳管與鸞車，塵心未斷懷鄉土。青  
鞋復踏來時路，行行回首語青山。石室無鎖門無闕，重來有  
日當躋攀。肯效越超躡，喘微名勢坐令塵土消。朱顏

題萬間室

少陵老翁餓頗癯，意欲大庇天下人。一椽菲屋不足蔽風雨，  
安得萬間之厦蓋覆四海赤子同欣欣。言狂意廣不量力，至  
今世俗聞者交笑噴。侯城小儒愚獨甚，不敢噴笑謂公之意  
厚且真。古來致亂皆有因，大臣固位謹持祿。其計止為安一  
身，高車大纛耀侈富。子女玉帛騎里隣，安危得失爾不知。更  
稽膏腴便利田，宅道子孫生靈窮。昔墮溝瀆寒士困，碎無衣  
紳彼也珍羞綺席歌。舞燕樂窮朝昏老翁哀，痛實為此熟視  
鄙夫儉子辟之犬鼠加冠巾。因我得志有不為嫉邪憤世欲  
救其弊，念賤貧至今已閱八百歲。知翁之意世獨少，蹈翁所  
惡常紛紛。侯城子為是懼人受天地中，何以不與禽獸草木  
為等倫。一心運萬化，五性涵義仁。下補后土所不能，上贊皇

天之闕變調寒暑撫五辰大禹疏百川伊周綜理禮樂政教  
與世爲陶鈞孔子孟軻不得位著書明道亦與治水拯世之  
功均吾爲孔子徒忍汨流俗同沉倫故題一室曰萬間坐覺  
宇宙亭毒氣勢皆前陳身賤不敢論政教誓將修復孔業爲  
世開昏歸室中左右列古書亦有諸史所筆志義之士忠良  
臣關有子厚洛有伯醇羣公近出皆鳳麟美哉子厚西銘之  
說何諄諄吾恐當時亦感悲歎意故立此論可與日月同光  
新爲君不知此無以建皇極爲臣不知此無以康兆民願寫  
此書千萬卷洗濯鄙智與私智使知林林之衆皆吾共出而  
同嫉視之不至越與秦書變呻吟愁歎之俗若去寒溷逢陽  
春小儒不惜獨困處此室作爲雅頌歌聖神再見中國大治  
同周殷

滄州趙生孝禮題

少牟負奇志味道輕神仙縹虎千仞崖斬蛟萬里川東指扶  
桑西月窟以手捫天關笑醉中欲奪羲和鞭驅策六龍下  
溟渤歲華忽復晚奇功竟無成恥作楚狂人甘爲魯諸生俯  
首蓬屋中被褐勤六經憂多髮白早觸事萬感盈擬從安期  
輩採藥遊蓬瀛蓬瀛羣仙別來久聞知掉頭還拍手世上憂  
勞早已知身後功名復何有棄我如敝屣不肯相攀援登高  
發長嘯目送白鶴歸三山我友王子喬示手海嶠圖孤峰拔  
出數千尺丹光雲彩交模糊下臨無地上極無天漚波浩蕩  
望不極恍若巨鼉掀舞勢與元氣同回旋金銀宮闕隱倒影  
翠綃絳節在眼前對此愜心賞便欲乘風與俱往恨之同心  
人臨歧獨惆悵趙生天資

大聖建皇極王道坦坦如絃直西有雕題金齒之夷北有瓊  
裘椎髻之貊東南大海際天地島居洲聚千萬國莫不奉琛  
執贄効朝貢春秋使者來接迹何況川蜀處華夏賢王於此  
開壽域播以仁風消以義澤家和人裕饗兵歛革豺狼變化  
作騶虞蛇虺消藏同蜎蜎驚山焚蕪穢略水刺崖石帆檣鼎  
屨任所往宛若宇宙重開關美哉蜀道之易有如此四方行  
旅絡繹來遊西覽德成都萬室比屋如雲桑麻蔽原野鷄犬  
聲相聞文翁之化孔明之德屬之節楊馬之文遺風漸被  
比鄒魯士行賢哲方同參方今況有賢聖君大開學館作論  
典墳坐令致化希華助微賢一詔到巖穴咄爾四方之士孰  
不爭先而駿奔王道有通衢蜀道無古今至險不在山與水  
只在國政并人心六朝五季時王路墜陸沉遂令三代民盡

為獸與禽當時豈惟蜀道難八荒之內皆晦陰戎夷雜寇盜  
干戈密如林今逢天子聖賢王之德世所欽文教洽飛動風  
俗無邪淫孱夫弱婦懷千金悍吏熱視不敢侵蜀道之易諒  
在此咄爾四方來者不憚山哥江水深

為玉泉山人題

天池直接挾桑東百川委會來無窮蔚崖為門障海口大江  
中流潮汐通豐山橫鶩東奔放浪嚙沙岸穿玲瓏羣鳳飛來  
白銀闕金鼇湧出金蓮宮天台赤城此磅礴間氣往往生英  
雄鴻儒碩士世不乏神靈秀異天所鑄玉泉山人獨嗜古食  
貧力士專而工結廬椒江望蓬島坐看海氣浮青紅含嚼英  
華激芳潤吐納光景噓長虹羣仙窈窕羅几席洪波浩瀚涵  
心胸最爾一鄉不滿意邈焉四海將奚從日披黃卷對賢聖

上並周孔齊義農國風雅頌導于正典謨訓誥棗厥中權謀  
智術競趨利之談清議咸歸空濂洛崛起樹名教千載道學  
開首龔仁義行師佐伊呂禮樂出洽登夔龍拯救生民布仁  
化此心炯炯今昔同食息憂寐塔見之上下議論相磨龔論  
交豈止一世士直追三代遺醇風屈伸去就隨所遇仕止進  
退皆從容某山某水吾釣遊歸來舊隱巢雲松

次河南府梅花堂韻

前年停車汴水陽鄭公延我故事堂是時梁園花亂發遊蜂  
乳燕春滿牆綠酒浮鴈面玉白繡衣耀座暖金黃豈知道化  
不容物俊傑俄爲土中骨重來訪舊無一存冠蓋年華兩飄  
忽當此遺跡傷人意粉圖素壁銀鈎麗道廣帛懷濟物心數  
奇竟負匡君志文章爛漫空自苦政術廉平索誰繼官僚薦

書嗟我遲妻子思家歸未遂感此臨風涕淚垂出門上道風  
塵驟西行境內五百里到處逢人稱善治洛陽城中迎歲新  
正思昔日梁園春河南忽過張少府意氣還同鄭老真臘梅  
盈庭花堆案銀燭照夜光玳瑁登高訪古隘八極勸酒笑談  
驚四隣我被虛名浪羈束奔走皇皇炊不熟明朝又渡灑水  
西行奈再經燒棧北丈夫會合當有時各展忠貞報聖國  
東河驛值重次茅長史自賦體韻

東河氣高地常冷越客入山愁日暝寒驢破帽闌驛門敞屋  
疎籬耿燈影更闌藉草始一寐夜半雪來初未省窗明恍訝  
鳥繞樹身倦宛同蛙伏井鷄鳴起看眼生花睡熟山童呼不  
醒積深已覺擁藍關夢遠直疑佔庾嶺穿簷入隙如有寒  
戶墳塔豈須請瓦甍卑滴爲炊烟水面難消因泛梗樂事偏

宣壯士獵清氣先人詩家若平鋪道路混險夷蓋覆乾坤掩  
瑕售空山難行無客到高臥閉門終日靜春來一月尚嚴凝  
天上何人調九鼎半生對雪走四方奇絕愛此林壑景長松  
壓重龍虎怒巨石羅陳 整北風來勢更飄揚斜照餘輝  
愈光炯南望殊憐京闕遙西顧頗覺歸途未須翫物遽憂  
患有形易化皆幻境明朝陰翳盡掃除天際諸峰翠相並乘  
興伸肩且一笑人生饑寒非不幸莫將詩句效蘇公淮陰龍  
首儕會等

愛日堂

白日麗青天朝出扶桑莫虞淵堂上有親雲滿巔坐看白日  
心茫然長繩不可繫急景如流川羲和羲和停爾鞭高堂一  
日如千年

寄貧

朝餐漿一盂莫食蔬一盤胸中六經聚星斗筆底萬卷馳波  
瀾人笑先生窮不恥先生嘆人愚可鄙終朝醉飽百不知何  
異腥膻飢蟻蟻世上羣兒味重輕每是蟻蟻非先生縱令先  
生窮至老猶與日月爭光明

寶以德用中二友和東坡喜雨之作

席前矜佩多如雨危坐談經亦良苦講堂日晏未朝飡香倦  
唇焦面生土小齋退食聞扣門倒屣起迎咽還吐知是兩賢  
送詩空笑却杜康陸羽錢也駿馬氣莫當陳也奔泉勢難  
禦元祐詩壇不易登俱欲升堂啟其戶文章由來關政教道  
術何會問今古每憐陋儒不自量詆訾前人竟奚補浪與唐  
宋較優劣有如癡兒侮厥母蘇公風骨真笑人駭視四海子

摩撫南洋益騶虞出九韶鏗鏘鳳凰舞列僊得道行御風  
漢相閉居老食乳神奇變化脫邊幅怒罵嘻熾皆新語眼中  
不復見此翁雲月江山澹難主我狂自少喜翰墨辟若惰農  
服田畝歎彼么麼星辰出望公光燄日當午二公豪健敢扳  
附蓄積穰穰富倉庾大篇屬和意有餘坐覺詩名動城府當  
今聖朝任英俊雅頌再作聲教普吾長才薄子勉旃振起斯  
文繼前武

渡淮後寄宗文先輩及諸士友

長淮風顛浪雷吼爭渡千人喧渡口蹇驢破帽衆所輕行李  
甘心落人後臨淮先生交義深視我重比雙南金席前弟子  
總英俊相攜擁餞淮之陰就中孫地藝且勇奮袖登舟氣增  
重扶顛禦侮况有人病身幸免波濤恐掛帆長嘯煙霧開主

人謝客緣城回孫也追隨不憚險艱危可仗真奇才世俗結  
交看勢利有勢相依無卽棄賤貧如我豈足隣脫落凡情見  
眞意賢豪邂逅何所無排難多由奇丈夫古人事業望公等  
欲輔國步須捐軀

次鄭好義紀夢韻有別

昨承寄示紀夢長句諷詠之餘不勝感歎因用增全  
二十五韻以道鄙懷答雅意尙正教之

奇材偉人世上不作太息斯文付冥漠承君忽枉紀夢篇喜極  
長吟淚交落雄辭璀璨錯迸星斗險語鏗訇飛電雹念我雖知  
意氣眞感君復使情懷惡憶昔與子在京師玉堂老僊侍幃  
幄冠蓋追趨禁闥深朝廷尊寵禮數渥聲名如雷動天地震  
起蟄蟲伸屈蟻國有著龜民有師水之海濱山之嶽升堂教

業集英彥寶帶朱衣雜南朔朽材浪跡偏見憐繩墨匡持重  
導斷子時好修美文藝清談劇辨相娛樂公於多士雖並收  
視我與君尤不薄龍驥咸歸伯樂廐天球本出荆山璞要爲  
國家樹基地屬望吾人興禮樂安知垂老萬里行直泝岷江  
踰劍閣死生契闊恩義乖音書隔絕道路邈索居臥病東海  
上舊德棄捐徒歎作夢中見公疑尙存雅度高風儼如昨公  
之神明在宇宙陟降照臨焉可度或乘鸞鳳騶麒麟或奏韶  
夏陳羽籥鈞天清都足豪俊講道論文恣歡詭應悲我輩混  
世塵俛首顰眉語伊嗶獨念靈櫬客西土明詔未許歸故宅  
昔蒙召見欲奏論造次自疑難感格 聖君霽澤覃萬方甯  
使遺骸葬夷貊子文無後善人懼馬遷有書心事白所憂陋  
拙忝知已昭雪孤忠負前諾公心豈不望後人入夢語子意

甚確子兄文章極醇雅典國製作名烜赫爲銘功行播遐邇  
可配史傳垂簡策子將繼踵縮章綬便當任此千古託如吾  
自料乏時才空言駭世徒宏廓水北山南結茅宇弟唱兄酬  
老耕穫著書倘可寓玉制未死尙期明聖學與子他年擬見  
公公歸應化遼東鶴

寄修德

平生識字不滿百浪竊聲名有慚色反觀身世每自鄙何以  
使子心莫逆前月馳書許訪我恐我無錢厭賓客惠書問疾  
繼踵來爲賀更生重悽惻我力不能事耕稼性又不耐營官  
職承明辭歸茹藜糗侯封鼎食誰願易今年瘴鬼忽侵凌寒  
熱交爭類勃敵垂頭伏枕二十旬腰腹枵羸面如腊噤乾恃  
粥不善飯下牀須扶還按壁向來意氣隘九州頃步顛躓眞



可惜所忻元兄督家政劬石無儲免憂戚抱書欲臥困即眼  
見客暫起饑輒食萬事盡拋思慮表一身豈卹饑寒迫古來  
賢豪例窮苦屠兒販豎千金殖皇天子奪有深意衆生淺聞  
何由識君來不須念我貧厭厭仁義非外得薄田近獲十斛  
麥炊之作糜可朝夕溪南磐石廣數仞墻頭新筍高百尺竹  
間讀書石上臥青雲爲蓋皆當席頗聞海上有巨鼉鼓舞洪  
濤氣腥黑請君持竿亟一掣膾肉作脯如山積盡俾黔黎飽  
君德與君大嚼醉千日免使窮愁惱胃臆

送劉士端歸括蒼

憶昔 高皇走華夏海內遺屯龍戰野幟幟謀謀三數公君  
家中丞最癯灑軸十萬揭虛來帆檣蔽空聲吼雷從容決  
策掃強寇手扶日月滄溟開盜犯洪都突彭蠡砲石星流湖

水沸御舟閣河諸將譁神箭穿顛逆酋斃是時中丞謀略精  
指揮英傑江南平掀髯撫掌談世事天子稱善羣臣驚宴區  
混一定勳賞鐵券金符頒士壤中丞獨擅翊贊功賜號每爲  
諸司長青田幸木三十年 高皇僞馭亦賓天國初故老尙  
誰在幾人事業圖凌煙忽見聞孫三歎息秀曰疎髯遺像逼  
擬樹豐碑墓道邊欲請天朝重褒錫至尊含笑問近臣先帝  
功臣今有孫胡爲拂衣入山去肝食未敢干君恩海內只今  
無盜賊幽州興兵憫邦國廟堂謀議豈無人我懷中丞淚沾  
臆嗚呼志士古所稀留侯武鄉今是誰九原招公倘可作爲  
解四海蒼生危 下缺

三朝恭庶政仁孝感嬰孩萬歲千秋志經天緯地才未登宸

極定忍見泰山頽聖子承皇業能舒四海哀

懿文光典冊善美過昭明歷數歸元子哀榮慰聖情神靈遊

帝所陵寢鎮天京公論當時定千秋有頌聲

虹光流渚日五馬渡江年聖質中興運天倫正位傳德隆尊

未極仁與壽難全餘慶垂中古皇家世有賢

淵默師成憲端嚴信若神承天行日月照世作陽春銳意思

寬政溫顏訪老臣至今江海士猶想屬車塵

六龍猶未御萬物已昭蘇使處尊崇位應無凍餒夫不知天

上樂遺憶世間無八極遨遊暇御闕顧帝都

斥土開瑤殿因山近翠微神輿離鶴禁矢淚濕龍衣日月還

丹闕風雲送六飛太平皇業固清廟詠光輝

右十詩蓋以寫臣子之至情而寓樂號追切之意未

嘗敢以示人今以記事靈殿適合第以諸生來見感

泣乃書以與之然辭之卑陋而事之隆重身之疎寡

而道之崇高宜其不足以形容之也

### 大行皇帝輓詩

睿哲君天下恢宏德化新宵衣圖治道側席致賢臣玉氣金

臺曉仁風玉宇春忽朝雲晏駕牽土淚沾巾

### 謝蜀王撫問賜藥六首

臣伏承睿恩撫問兼賜良藥及臯比講席拜受之餘

無任感荷敬次勝訓導所寄詩韻粗述瞻仰之誠辭

句蕪拙乞垂察而正教之幸甚

超悟天人際從容禮法中臺端錦江水塵尾雪山風善共東

平樂才看冀北空感恩慚獨厚箋疏許頻通

壤地三千里絃歌五十城廷多漢長者座有宋耆英立事多  
師古行仁不泯名願存無逸戒仁見治功成

聽政憂民切虛心待士虔典章皆有據談笑總堪傳夜月初  
筵酒春風廣廈邇小臣懷德處每憶白駒篇

大名傳海宇盛德冠時人文字天垂象姿顏嶽降神仁施邦  
域遠年與憲章新願沐恩波闊花溪理釣緝

賢王思賤士欲爲制類齡藥授邊丹秘功存本草經駐顏腫  
繡白關歲比冬青倘遂飛昇去良依傅說星

服猛本至政賜皮書閣中林巖眼如電文采歷生風似可講  
周身宵須喚小空深用避賢者玄圃未能通

應召赴京道上有作

搖落秋冬際蒼茫鄞越間青山欲枕過白鳥背人還問俗鄉

音異消愁酒價慳虛名果何物不使病夫閑

官程催歲暮百尺可停牽煙浦高低樹晚江來去船青山過  
越少滄海帶吳偏所遇無親舊懷人與眇然

客路喜暄暖初冬天始寒近京風俗異逆浪水程艱人語吳  
音雜漁歌楚調酸畏途非好友懷抱若爲寬

病中述懷二首

臥病知爲國尤須謹未形盛強多過計安逸每傷生燮理宜  
修政醫治乃用兵但令元氣固四海樂昇平

故交憐抱病意厚數相過憂患人難免方書俗易訛衛生功  
莫就醫國理如何但喜心無恙斯民疾更多

送盧信道漢中點兵

喜子東南秀照人眉宇清早探經濟學已負老成名治世難

忘武邊城要足兵關河雖跋涉歷覽快平生

題萬間室

一室纔函丈何緣號萬間靜中存大極圖裏看人寰舒卷心無外經綸意自閑誰能同此樂魚鳥亦歡顏

題曲徑

曲徑潛通市高壩遠背村醉眠忘作客靜讀懶開門古學嗟中絕羣經續已繁平生刪述意深恐負乾坤

次韻奉寄好義

四首

真齋至出見寄詩甚耐懸渴諷詠不能已因借韻述懷邑中還同宿偶作一首今并錄上

初旭濕霜痕溪流緩復奔路因頻到熱心待舊交論山勢隨村曲窈烟接海昏知君多善教所盡俗遺敦

聞說幽居僻仙鬢翠庵南陽坡饒美木曲澗會澄潭問俗何

方古藏名此地堪深期帶經往清夜擁爐譚

野性便時棄虛名恥世聞因緣多慮暗志為好奇分傍日翻

書卷臨池寫練裙思君同雅興搔首誦停雲

混俗非真隱深居學避囂看雲山映竹坐石水通潮道勝貧

何病神完趣獨超遺經對千古意頗似聞韶

草沒堦前石雲連戶外山位居人下拙身在病中閑出處多

難事逢迎有瘦顏仰看雙白鶴暮向遠林還

歲暮寄王修德先生

二首

杪歲垂垂盡寒花悄悄繁律回春有信冰動水生痕樸學慚經濟窮居廢討論都將百年意一笑付乾坤

長嘯茅齋窄清談酒盞空天寒爐擅寵歲惡甌無功計拙居

鳩上身癩訝鶴同燈花笑愁絕故向夜窗紅

承宣隱友兄同還精舍賦短律五首爲別

風檻臨溪敞幽人稱隱居高松偏宿鷺濁水最多魚隣父邀  
嘗酒鄉豪笑著書時艱知己少來往莫教疎

攜友踏溪沙同尋隱者家雨多知損麥土暖喜宜瓜身願明  
時棄文慚世俗誇旅懷難一笑撥遣付流霞

於世吾何補論心子最知叫聞他日恨感事百年悲地主能  
投轄天閑幸脫羈談經深夜坐涼月在清池

情深難遽別送遠却同歸衣濕灑廳雨路經垂釣磯山童迎  
客憤國士似君稀且復聽雄辨前賢賴發微

千載康成學羣賢惜異時典章秦火盡禮樂漢書疑聚訟吾  
何敢承家子莫辭從來參筆削萬一補民彝

次韻答錢文學

幽亭斜日在佳興與君同屐潤催詩雨衣涼醒酒風鷺羣穿  
草白蜂足帶花紅愁散身殊健全寬雲夢曾

雲山畱客任尊酒賴君同照影林端月清心水面風醉書詩  
畫黑笑翦燭花紅不是聽雄辨難消磊砢曾

題畫二首

得意支郎畫分明是米家亂雲浮雜樹遠渡臥枯槎白屋孤  
舟迴丹崖一徑斜何時共漁叟洞口訪桃花

曲折成千里雲山儼一鄉林疎茅屋見水落釣舟藏世路羊  
腸外仙家鳥道傍此身何處着箕穎意難忘

寄童伯禮二首

俗薄吾深厭家肥子孰過孝慈諸弟共才俊一門多處世難

同衆居鄉本貴和古來修禮讓盜賊尙投戈  
黍肉屢來饋寸心殊自憐傷廉增我過尙德貴君賢握臂知  
身瘦指書待病痊每懷從孺子哀世道能全

催菊

蚤帶春泥種頻添沃壤培如何九日至不見一枝開時過花  
何補天寒客懶來使須連夜發莫負掌中盃

代菊答

生意本天得無人亦自芳但能娛晚節何必媚重陽服食多  
延壽風霜獨擅場祗應羨皓華心迹可相忘

過北山翁

避世慚無術念年猶有翁山中九日後花下  
秋色林疎怯晚風放懷打取醉舍此更誰從

送鄭履順二首

病臥思親友幾人能見過天寒念我至風義覺君多取士周  
三物論才管四科相期曾閣上歲月莫蹉跎  
學是千秋事文非一藝卑古來傳道術誰免假言辭魯史三  
王政周官百世規知君美才氣慎勿負深期

義肩縣曉發次韻

渡水籃輿穩穿林草徑微勝遊方外得樂事世間稀風過歛  
僧笠雲來掛道衣山靈應待久好去莫相違

謝羣公送別

道豈斯文著才非聖世遺用心耕藝外榮辱竟何施  
久病諸人問深居四壁生故交貽善藥姻婭饋醇醪厭虛  
名絆貧知古道高時來稍賸暖斟酌減錦袍

二月風猶勁寒生滄海波呻吟知夜永羸瘵損天和行覺冬  
衣重眠妨夜食多百年強壯日排悶付高歌

出戶迎人倦投床散帙迷牽衣嗔穉子煮藥愧山妻葛令尋  
勾漏梅生入會稽病思方術士亦似咀雲泥

春風已兩月閉戶不相知百舌強言事衆芳空滿枝官途多  
世難臥病亦天時應有簪纓者低頭羨我爲

飲酒留盃底攤書礙枕有人扶修冠櫛客勸罷文章殺爾催  
田父花時到海棠病夫漚不較流轉任春光

病久身渾憊醫疎日易窮藥空宜勿藥跡滯尙飄蓬禮樂周  
秦後乾坤囊籥中數行寒國淚江海與俱東

童景純來

千古劬勞恨三冬瘡痍餘故交猶記憶尊酒問何如拜倩人

扶笻文教子代書何時減藥餌一笑百憂除

欹枕雨聲歇竹間聞鳥鳴病惟愁是伴閑與懶相成墮地驚  
茲日終天負所生一杯魚菽祭悲感淚縱橫

贈鮑民瞻

學道懶言文君文思不羣雪消三峽水波漲一川雲出處存  
交象經綸在典墳莫名詞苑傳須立濟時勳

哭吳構庵先生五十韻

夫子嗟淪喪鄉間頓寂寥百年遺老盡一代典刑銷在昔朝  
廷盛諸儒學業饒著書磨歲月抗論切雲霄獨步才偏壯清  
時俗未澆翟門人競集鄭驛客嘗邀冠蓋來千里牲牢具一  
朝柳營嘶騷虺茗椀捧妖燒家釀傳荷葉溪鮮貫柳條醉猶  
親簡策樂不爲簞瓢晚節趨王命顰眉逐使軺將軍開幕府

書諾任賓僚燕薊藩翰重兵戎節制遙置威增國勢褫魄遜  
天驕絕漠清烽火前驅奏鼓簫歸田心戀戀解組思飄飄松  
菊猶堪埋桑榆幸未彫散金思效廣擊壤願歌堯紗帽長蒙  
首銀章懶束腰吟哦今李杜吐納古松喬勝會無虛日清談  
或屢宵小心親里閭避咎狎漁樵名美偏招謗年高未免謠  
鬪牛噴孔雀孤鶴畏鷓鴣媚寵慚何枉懷沙恨莫消事隨東  
逝水迹斷舊題橋素樹遺家慘總麻聚哭驚可憐嬰世網本  
不負天朝盛德知誰繼穿魂謾擬招園林春黯淡風雨暮飄  
飄致遠悲良驥搏空憶彫鵬聞喪皆頓足知己自垂髫秀句  
時稱賞華筵必辱要吟成跌滿紙坐久斗回杓適意魚依藻  
搜奇翠映茗劇談食每共痛飲燭頻燒劇下  
樂善心悅無爲國本強虜漢鑿蟲豸步領文瑄揮翰銀鈎活搗蒜玉佩銀

彝皆國器蘭桂本天香觀妙言逾富研精食靡遑日惟親孔  
孟性不惑姬姜軫念窮邊地垂情健卒糧撫身無凍餒遇敵  
必騰驤解語疎鸚鵡長鳴歎驢驢劬農與耒耜寬法絕桁楊  
當代眞希遇前主或未嘗泰山高莫並瀛海浩難航此耽  
經史龍衣佩瑀瑋笑談溫玉色追琢燦金相肅挹尊賢傳端  
居喚小璫已能通營語正可齒虞庠下付連枝秀瓊葩葉  
芳骨奇瞻日角派近識天潢舉措存寬厚蒐羅必俊良聚賢  
頻設醴寶訓舊明堂末學逢昭代平生服令望承顏初見日  
屈指九經霜術類千金帚榮過七寶牀敢期運作炬每飲蔗  
爲漿身賤思疑病言高點類狂汗顏趨紫闥夢落滄浪心  
怯恩波闊人誇寵數彰賜衣頻跼踖前席屢徬徨授簡安能  
賦開筵特命觴偶同華屋燕徒飽大官羊雅句褒彌重微軀



感莫量聯篇舒錦綺一字重琳琅憶昔憂居聖陳情訴陟岡  
奎文昭孝行宰木發光芒寵異兼存歿風聲別否臧望林掄  
杞梓占斗拔干將知已恩偏渥希賢德甚涼何由酬覆載深  
幸覲顛昂喜見皇家盛從知世運昌弓戈藏府庫道德固金  
湯政教依仁宅詢謀遠智囊朝廷存鎮重夷狄敢飛揚誠可  
同天地心能協雨暘羣生蒙長養百谷屢豐穰人傑生皇肇  
邦基過夏商九重延祚允百世受禎祥磐石安宗社山河拱  
帝鄉孤忠深信望恭已贊吾皇

人日從蜀主登萬歲山

鼇首高臨紫極開五雲長日擁蓬萊嵩呼曾獻君王壽人日  
今從帝子來寶仗鳴鞭金腰裏石牀御坐錦筵苔才華愧匪  
朝陽鳳飛蓋華隆喜共陪

宿峰頂次濟定韻

層崖削壁跨千重坐鎮西南勢獨雄元氣昆侖磅礴外祥光  
隱見有無中珠璣寶佛留全相金碧樓臺倚半空縱是蓬萊  
并弱水清虛難與此相同

登歸雲寺閣

棲身丹壑總忘歸水閣頻登趣不稀雨脚斜侵耕叟笠苔花  
青匝定僧衣山餘積雪寒猶壯巖墮流星曉更飛卜築何當  
居此地玉堂金馬任相違

木皮嶺

自慚非佛亦非僊也宿丹崖綠樹巔曉汲衣翻草頭露午炊  
甯起木皮煙日離滄海三竿遠天厭烏紗五尺連頓覺眼前  
無俗物片雲飛過鳥爭喧下峽

春到已多時幽禽尙未知上林無限好何事立枯枝

虎圖

踴躍谷生風崢嶸百獸中豈知王者瑞足不履生蟲

題山水

欲向匡廬隱出門知路難江山奇絕處多在畫圖看  
離家今幾載衣袂染京塵不敢看圖畫青山愁笑人

題曹娥江

娥以孝而死江因娥得名至今潮上落猶帶哭爺聲

題竹月圖送大學生歸省

黃金臺上月照爾憶親情歸去供甘旨春林笋正生

病中除夕

數漏掩殘曆中宵氣候殊獨憐愁共病不與歲間除

三十知未老已難同少年功名謝時輩心事愧前賢

里巷占新歲皆去勝舊年幾回新歲過萬事只如前

良醫難治病學道不能行瘡疾何須患吾心病未經

題畫

茅屋東嶼西嶼白雲前山後山爲報溪頭流水落花休出人

間

牧牛圖

谷口驚湍雨歇柳陰芳草春還試問太平樂事夕陽牛背青

山

奉試靈芝甘露論

漢家圖治策賢良董子昌言日月光自笑腐儒千載後却勞

聖主試文章

書事

伏枕三旬不整冠，夢魂時復對金鑿。忽聞盛事披衣坐，今日朝廷立諫官。

二月十四日書事二首

斧展臨軒九視閑，春風和氣滿龍顏。細聽天語揮毫久，攜得香煙兩袖還。

風軟彤庭尚薄寒，御爐香繞玉蘭干。黃門忽報文淵閣，天子看書召講官。

試院偶題三首

柳影波光鎖院深，一塵不到市聲沈。多情惟有雙靈鵲，時到庭前送好音。

三代寶興法尚存，每因取士嘆斯文。近來眼病無聊甚，豈復

能空冀北羣

橋門冠蓋滿如雲，才氣爭先總出羣。自愧腐儒無一藝，強顏來此較斯文。

次韻謝蜀王六首有月

敬蒙睿恩賜以篇什，誦味感愧。次韻六首以謝。

恩命許辭金殿直，歸裝仍賜石渠書。欲知懷德無窮意，長望星辰想屬車。

志似子淵方是廣，才如曾點始為狂。自慚未學何為者，孤負恩言髻欲蒼。

幸瞻天下難逢德，又讀人間未見書。魂夢何嘗違禁闥，深恩安敢忘巾車。

德尊待士真忘勢，位下憂民每悔狂。明日岷峨應漸遠，莫雲

回首看青蒼

全德已看承道統雄才更復主詩盟欲知聖敬心無息願說參前與倚衡

德勝東平弟與兄共誇樂國似蓬瀛近聞傳令安黎庶歡動山南十萬兵

侍世子奉獻蜀王十首有序

臣謬以疎庸蒙侍世子殿下規席竊觀岐疑之姿英偉之識度越于人萬萬誠宗社之慶欲述鄙言陳民事人情物理之槩少效忠懇以廣聰明恨未果為先作絕句十首以進伏惟益懋典學以副下情不勝至願

賢君德業本天成猶待修心道益明喜見儲王親筆硯更須

講學近儒臣

味爽先求問寢衣三朝日日禮無遺古來世子能敦孝惟有

文王最可師

祖訓昭昭日月新由來治國本天倫令名要使傳千載仁政

須教及萬民

炫日輝霞錦價高製成稱體小龍袍試看黼黻文章美須念

蠶桑杆軸勞

金匙碾益絳紗籠玉瑩珠圓顆顆同願采豳風歌七月要知

稼穡重三農

農事艱難古所憐一生幾度遇豐年若非聖世輕租稅逐末

何人肯力田

九經治國本修身身正方能鑒別人辨佞要知驚異驥任賢

莫指玉為珉

君王待士古來無  
令德高名滿八區  
濟美喜看賢世子  
已能端拱禮諸儒

去歲開倉賑餓夫  
今年下令活無辜  
東平謾說能為善  
未識當時有此無

稅薄刑清見盛時  
民安田里俗熙熙  
欲求上古無為治  
仁孝君王自足師

謝蜀王賜果十首

有序

屢承佳果之賜  
偶爾成句并述所見  
以寄下情謹錄  
進上伏惟宥察

涪州丹荔擅時稱  
翠筐來庭色尚新  
獻罷未曾登玉案  
先教頒賜與羣臣

竊籠殿門東受賜  
羣臣喜色同  
却笑開元恩未廣  
祇將異味悅深宮

尚食頻供素膳回  
金盞僊醞不曾開  
君王嗜道渾忘味  
佳果何勞遠貢來

無才慚曳殿門裾  
珍味頻嘗玉饌餘  
解道側生風味好  
惜非梁苑馬相如

九重勤儉恤民勞  
錫賚深思道路遙  
異味奇珍俱詔罷  
皇明家法勝前朝

病身趨召歷千山  
又見江城荔子丹  
竊食無功心有愧  
賜歸分與眾人看

園官愛果勝黃金  
一樹生成一樹心  
味美已知堪適口  
當思培植用功深

利欲頽波挽不回  
幾人沉溺壞靈臺  
要明聖道無窮意  
須仗賢王不世才  
道術衰微幾百年  
陋儒無力愧皇天  
已看位是真王貴  
須使心承往聖賢  
新製蒲鞭賜理官  
丁甯用法效劉寬  
好生要使民無犯  
示辱如寬也不難

無題 三首

官臣傳教造安車  
駕出金門賜舊儒  
優老免親藩國政  
入朝唯讀帝王書  
山南桃李競春光  
食實年年在異鄉  
應被旁人暗相笑  
閑官那得許多忙  
伯兄海上思相見  
幼子山南憶別離  
兩地關心歸未得  
夜看

雲漢立多時

道遠闕庭 二首

戀闕思家兩繫情  
君王恩重屢留行  
欲知去國遲遲意  
三月秋趨一日程  
形如槁木榮枯泯  
心似虛舟去住忘  
底事別情猶不奈  
只因懷德慕賢王

遊峨眉山紀行 十首

鶴相隨復一瓢  
山巔水滌足逍遙  
祇因戀闕情無限  
回首念過萬里橋  
西蜀雲山處處奇  
最奇人說在峨眉  
想應踏遍千崖月  
露滴松梢鶴夢時  
出郭涼風入抱清  
亂山遮馬似相迎  
甯知待召登瀛客  
忽作

看雲聽水行

王憐塵土辱凡肌命入雲山茹紫芝只恐同袍不相識誤猜  
禮佛到峨眉

客久賢王兩賜衣不知春到已春歸清朝試出都門看留得  
殘紅一片飛

山頭月出天初露江面風生水欲波正是勝遊新得意片雲  
相引入岷峨

朝辭宮闕莫田家江白山清兩岸沙臥犬不驚籬落靜麥風  
簷底響綠車

孤舟湖口一名僧咫尺鄉山識未曾今去峨眉同覽勝躋坂  
須上百千層

名山佳處孰同遊白髮緇衣四五流青眼古銘鄉士彥燈前

夜夜話台州

學僊無骨佛無緣甘着儒冠坐一壇入社敢同陶靖節不須  
三咲虎溪前

入山後覽定水仰山二上人并吳講師次子發成都絕  
句韻因復次韻述事言懷

落日斜明掛樹瓢下方城郭去人遙青山過雨僧深定門外  
雲封獨木橋

羽客禪僧也好奇對人覓句幾攢眉林端新月初高夜葉底  
殘紅落盡時

倚澗人家近更清吠風驚犬走還迎衲衣鶴擊從章甫落日  
看山一字行

山南夫子待多時庭外松花落礪芝夜半夢回聞鼓響覺來

類泚冷沾眉

澗底白頭僧洗衣雲間童子負薪歸幽栖更羨投林鳥半已  
尋巢半已飛

于尋古木已無柯萬丈深淵不起波此日勝遊他日記落花  
時節到中哦

東海西頭是我家門前花徑接鷗沙三年別後一作徒多恨  
敢道詩書讀五車

山行十日只逢僧盡道蒙恩報未嘗共上峨眉望宮闕祥雲  
五色繞三層

奉詔名山作勝遊壯懷如水不停流今朝獨坐峨眉頂一覽  
端能隘九州

楊倩禪那豈夙緣坐來渾似舊家毡祇應心事慚蘇晉不解

長齋綉佛前

次韻寫懷送叔貞之成都十七首

有字

乙亥新春出城東偶作十七詩同遊諸友從而和之  
因亦次韻以寫所懷會叔貞之成都書以識別詩中  
所云司戶孫者即叔貞也

道濟羣生心尚歎知周萬物禮逾勤能為世上難行事始是  
人中寡過人

盛世豈無謀國者漢家長憶富民侯榮名史策尋常事公論  
江河萬古流

漢高嫚士千餘載不見師臣與友臣解使時君謙德重孔明  
而下兩三人

下立立身涇渭渾胸中耿耿是非存子雲美新最可賤著作



猶尊李仲元

密葉叢篁晚鴉荒村百里兩三家疲民采拾供租稅猶恐傍人議權茶

多才久要錢文學長日詩筒袞袞來俊思雪消三峽長好懷春到百花開

伯尙庭前傾竹葉用中宅畔看梅花天教二子相爲樂來往風流也足誇

每懷樛散鄭司戶喜看杞梓作孫枝氣清似得江山助才異休令匠石疑

胡生挾策行千里足滿衣穿不肯回斯道要爲終古計丈夫甯避俗人猜

江山萬里無黃耳雨露三年憶紫荊日暮出門聞鴈過忍聽

雲畔索羣聲

一念無爲付道耕百邪還聽歛心兵本原能與天同體三代功名始可成

浩蕩乾坤爛漫春天將樂意付窮人迴無臭味堪誇世縱有爭心豈解嗔

烏石岡頭白苧衣幾回醉伴夕陽歸山中兄弟遙相憶未必天心與我違

我與東風作主賓忍教負却太平春一觴一咏酬佳景也未輸他世上人

梅逕桃蹊遠幕門半依城市半通村春風一見如相識莫逆於心兩不言

魚在深淵鳥在山乾坤無物不相關野亭日午支頤坐閑看

雲天一鶴還

食罷移床坐小亭細看羣蟻奪餘腥倦來莞爾成微笑宇宙茫茫幾廢興

感舊九首

雄文不見林公輔病眼荒荒何處開將相亦輸天上樂多情莫向世間來

孟酒論心有幾人天台張穀舊相親近來詩句多奇語書比藏真更絕倫

精通八法揚文遇暗誦五經陳用中揮翰天庭應獨步忍饑村巷欲成翁

翰苑暫歸盧太史銓曹已失鄭郎中名高金殿龍頭選夢憶蒼山馬鬣封

林鄭為文學我家波瀾議論闊無涯兩年不見何時到望斷嶓江八月槎

博陵博士才華盛漢上畸人道術卑欲寄一書無鴈過相期千古只心知

立言溫粹懷陳采肆筆縱橫憶鮑罔若使韓門加接引未容籍湜獨升堂

王郎遠逐雲中戍許子俄為地下郎重訪舊人尋舊迹嶺雲溪月總堪傷

多病深知志術荒中年苦復厭文章欲圖天地相終始肯與時人較短長

別母舅吳外舅鄭公三首

昔奉安車共入關擬於此路復南還今朝獨向江東去淚洒

西風草樹斑

女甥攜抱遠相從骨肉情深反負公南鄭江頭三尺塚夕陽  
衰草萬山中

竹帛相期古道深結婚端不為多金自慚非是奇男子恐負  
侯高擇婿心

中秋對月二首

雙檣鳴江水不波雲山無數拂船過夜深把酒問明月月色  
與愁誰較多

南鄭荒墳草木寒東甌舊宅桂花丹九秋最好今宵月又向  
孤舟獨自看

題漢中三寺佛放光

三寺神燈古有名我來惟見月華清非關佛日今消歇應避

文星不敢明

蜀相像

羽扇綸巾一臥龍誓匡寶祚剪奸雄圖開八陣神機外國定  
三分掌握中

買臣妻墓

青草池邊一故邱千年埋骨不埋羞丁甯囑付人間婦自古  
糟糠合到頭

二喬觀書

深閨睡起讀兵書窈窕丰姿若个如千古周南風化本晚涼  
何不誦關雎

王節婦

兩月孤兒百里墳一燈風雨幾黃昏可憐玉帳豪華客不識

金沙節義門

鄭義門

丹詔旌門已拜嘉千年盛典實堪誇史臣何用春秋筆天子親書孝義家

彭山道中

煙鳥歸林已夕陽野人相引度高岡馬頭一片青山影經過  
絺衣似水涼

夜度桑洲驛

山路彎彎石磴平碧天涼露下三更無端一夜西風惡吹着  
新愁上紫荆

客全

竹裏烹茶費屢呼攜壺沽酒處村無同食麥飯無難色風槩

知非淺丈夫

聞盧原質表兄廷試探花郎授編修喜而寄之

奉天殿上榜初開共賀江南得秀才好是青蘿居士說近來  
交運屬天台

送義烏龔叔安給事歸省二首

鷄舌同舍侍紫宸朝回東閣每相親片帆忽逐西風去鴛鴦  
行中少一人

瀟湖煙雨正宜秋之子還家喜得遊忠孝堂前舊明月相隨  
重到鳳池頭

談詩五首

舉世皆宗李杜詩不知李杜更宗誰能探風雅無窮意始是  
乾坤絕妙詞

前宋文章配兩周盛時詩律亦無僞今人未識崑崙派却笑  
黃河是濁流

發揮道德乃成文枝葉何曾離本根末俗競工繁縟體千秋  
精意與誰論

大愿諸公製作新力排舊習祖唐人粗豪未脫風沙氣難詆  
熙豐作後塵

萬古乾坤此道存前無端緒後無垠手操北斗調元氣散作  
桑麻雨露恩

覽陳先生見和諸詩戲題

孔璋揮翰檄曹公烈日秋霜格力雄白髮雲孫千載後新詩  
尚可愈頭風

道者扇

競利爭名不暫休紛紛盡逐水東流道人心事如松柏閱盡  
尋常草木秋

題山水隱者 先生六歲時作

棟宇參差逼翠微路通猶恐世人知等閑識得東風下缺

聞燕

曉夢驚回燕語巢窗前紅日在花稍心思佩玉朝天日待漏

金門鼓尚敲

白雀圖

曲巷高簷避網羅朝來飽啄隴頭禾但令四海長豐稔不厭  
人間鼠雀多

羲之籠鵝圖

內史清真江海情每將高誼動朝廷平生却被能書誤更爲  
鵝羣寫道經

荷花渚禽

絕世丰姿不受塵丹霞爲質玉爲神渚禽莫怪開時晚一洗  
尋常草木春

鸚鵡

幽禽兀自轉佳音玉立雕籠萬里心只爲從前解言語半生  
不得在山林

立春偶題

萬事悠悠白髮生強顏闔盡靜中聲効忠無計歸無路深媿  
淵明與孔明

百念踈疏總未成世途深恐誤平生中宵擁被依牆上默數

隣雞報五更

方正學先生遜志齋集卷之二十四終婁縣後學連城貴校

